




1547

STATVTORVM,
SEV CONSTITVTIONVM
SOCIETATIS CHARITA-
TIS DE VRBE.

PARS PRIMA;

Coll. Rom. Societ. Iesu

Biblot.



SeLv.

BIBLIOTHECA
ROMA
VITTORIO EMANUELE

5. 20. F. 22

¶ Roma M. D. XLVII.

B. C.

STATVTOVM

CONSTITUTION

OF THE STATE

OF NEW YORK

PART FIRST



ERST M. D. XLVII

STATVTORVM,
seu Constitutionum So-
cietatis Charita-
tis de vrbe.

P R O O E M I V M.



SOCIETAS Sanctissi-
mæ Charitatis de Vrbe, ini-
tium habuit, per Dei inspira-
tionem, sub Anno salutis, Mil-
lesimo Quingentesimo, De-
cimo nono, die prima Ianua-
rij, Authore, et fundatore quondam Bo. me. D. Iulio
Medices, tituli Sancti Laurentij in Damaso, presbytero
Cardinali, & Sanctæ Roman. Ecclesiæ Vicecancel-
lario, quam fe. re. Leo Papa decimus confirmavit, Sub
Dat. Anno Incarnationis dñicæ, Millesimo Quingen-
tesimo, Decimo nono. Quinto Calen. Februarij, Pon-
tificatus sui, Anno septimo, prout in literis apostolicis
desuper confectis latius apparet. Et cum dicta Chari-
tas consistat in dilectione dei, & proximi, in hoc pro
observatione eius partis Charitatis, quæ respicit proxi-

mum, consideratum fuit proximi indigentiam versari
 quadripartite, erga pauperes videlicet, vel mendicare eru-
 bescentes, vel carceratos, vel infirmos non habentes unde
 faciant se transportari ad Hospitalia, vel mortuos, quibus
 tantum non superest, quantum sufficeret ad sepeliendum,
 ita qd sæpe contingebat in Vrbe pauperes huiusmodi in
 Stratis publicis tam diu detineri mortuos, donec oblation. fi-
 delium sepeliri possent. Quare ex his, & alijs consy-
 deratis, deo inspirante, erecta fuit dicta Societas, vt pro-
 uideretur in præmissis. Verum quia quodcumq; Collegiū,
 requirit habere aliquas constitutiones, vel Statuta, quibus
 legitime gubernari possit, Eapropter de communi consilio
 dictæ Societatis, in Congregatione generali, & de eius
 decreto, & mandato, facta sunt infra scripta Statuta, in
 futurum obseruanda, donec in eis, vel aliquo ipsorum, ali-
 ter visum fuerit dictæ Societati aliquid corrigendum, im-
 mutandum, vel delendum fore.

DE PERSONIS ADMITTENDIS

in Societatem Charitatis.

CAPITVLVM I.



IN PRIMIS, cum dicta Societas, à personis Christi-
fidelibus, constituta sit, et in
eis consistat, visum fuit deter-
minare qualitates personarum,
quæ interuenire possunt, &
debēt in illa, fuitq; propterea deliberatum, ac statutum, qd
omnes Reuerendissimi Cardinales præsentes in Curia,
qui voluerint in dicta Societate describi, læto animo, &
cum gratiarum actione, recipiantur. Itē Prælati quicunq;
necnon Curiales vrbis similiter præsentes (præuia tamē
illorū propositione, in generali Congregatione, ac præuijs
votis omnium congregatorum) saltem pro duabus tertijs
partibus admittantur, & describantur in libro dictæ So-
cietatis, gaudijs priuilegijs, & indulgentijs, de quibus in
dicta Bulla Papæ Leonis.

De Protectore dictæ Societatis habendo.

CAP. II.

ET vti illa, quæ occurrunt fieri in dicta Societate,

P A R S

fauorabiliter executioni mandentur, & illius decreta obseruentur, Statutum est, q̄ in generali Congregatione, vnus ex Reuerēdissimis Cardinalibus adscriptis in dicta Societate, eligatur, vel viua voce, vel alias, ac perpetuò, vel ad tempus, prout melius videbitur, in quo non sit certa norma eligendi, sed stetur arbitrio Congregationis, prout sibi melius videbitur expedire.

De Officialibus, deputatis nuncupatis.

CAP. III.

ET quoniam vniuersa cura gerendorum negotiorum orcurrentium in dicta Societate, versari debet penes paucos, qui specialiter sint intenti ad regimen negotiorū huiusmodi, placuit dari certam normam, vt ex dicta Congregatione, sex Officiales, deputati nuncupati, per annum duraturi, eligantur, vel extrahantur per bussulam, qui diligenter curare debeant negotia, & opera dictæ Societatis, donec alij noui eligantur, vel extrahantur, vt supra, hoc tamen modo seruato, q̄ in extrahētie nouorum Officialium, vnus ex antiquioribus, pro informatione aliorū, præseruetur in officio, ita q̄ in noua deputatione Officialiū, post primam, quinq; duntaxat ex socijs eligantur, vel extrahantur.

De officio dic̃torum Deputatorum.
CAP. IIII.

DICTI deputati, vniuersalem curam gerere debent circa exercitium operum Charitatis. Et quia imprimis describendi sunt, & annotandi, pauperes mendicare erubescences, Prædicti Officiales, bonam & synceram diligentiam faciāt per se, vel alium, seu alios sibi fidos, vt personæ, quæ sibi proponuntur, pro eleemosyna panis recipiēda (primo facta distributione inter se de inquirendis) inquirentur, an sint tales, quales propositæ sunt, & an vere sint mendicare erubescences, inter, quas illæ personæ, quæ fuerint inuentæ nobiliores, et quæ ad aliquā paupertatē redactæ sunt, libentius adscribātur, in quibus cū dari nō possit certa norma, an tales sint inhonestæ uitæ, vel q̃ aliunde, q̃ ex eleemosyna possint sibi victum quærere, vt Charitas ipsa extendit possit in alios magis indigentes, & qui plus mereantur, Hoc remittendum erit arbitrio, & conscientiæ dic̃torum deputatorū habentium inquirere, qui debeant tenere vnum, duos, vel plures libros, ad negotia Societatis, & pro memoria rerum gestarum describenda, quorum librorum, tituli inscribantur, prout vsus exigit, & ratio dic̃torum Officialium determinabit.

P A R S

De Secretario, & eius officio. □

CAP. V.

DIcti deputati, quo facilius ipsi possint ad maiora negotia Societatis intendere, habeant de Societate ad nutum Societatis in generali Congregatione amouibilem Secretarium Mercenariū, qui notet in aliquo ex dictis libris, nomina & cognomina dictorum pauperum, qui adscripti sunt pro distributione panis in eleemosynam dandi, singulis diebus Dominicis, et qui simul sit Notarius in Archivio Romanū. matriculatus, ad rogandum se de Contractibus, quos stipulari occurret, in negotijs inter Societatem, & alios quoscumq. & qui etiam annotare debeat decreta, & ordinationes dictæ Societatis, quæ fient, tam in generalibus, q̃ in particularibus Congregationibus dictorum deputatorum. Item censuit bonum esse, q̃ Congregationes generales frequenter fierent, vt socij se ipsos viderent, et inuicem se exhortarentur ad opera Charitatis.

De Camerario, seu Camerlengo, dictæ Societatis.

CAP. VI.

DEbet etiam dicta Societas habere vnum Mercenarium, & amouibilem, vt supra, et de Societate Camerarium, seu Camerlengum, vt coadiuuet dictum Se-

cretarium in exigendis pensionibus domorū, ac censibus
debitis dictæ Societati, et qui assistat in distributionē, pa-
nis, una cum dicto Secretario, ac uno ex dictis deputa-
tis, remittendo tamen modū expediendi præmissa, prout
melius, et fidelius videbitur fieri posse, deputatis prædictis.

De Solicitatore ad visitandum Carceres.

CAP. VII.

ET quia unum ex principalibus membris spectanti-
bus (ut supradictum est) ad opera charitatis, est q̄
provideatur pauperibus carceratis. Propterea ordinatum
fuit, q̄ habeatur unus Solicitator, Mercenarius, et amoni-
bilis, ut supra, qui nomine Charitatis visitet Carceres, sin-
gulis diebus, et quos repererit pauperes, et oppressos,
studeat ipse, si poterit, pro liberatione eorunden: alioquin
referat deputato Charitatis, qui habet interuenire in visi-
tationē. carcerū, ut tales pauperes subleuentur, etiā, si opus
fuerit, mediante pecunia Charitatis. pro soluendo carcere,
aut expensis, vel captura.

De deputato ad interessendum in visitatione
carceratorum. CAP. VIII.

ET ut magis impleatur officium Charitatis pro dictis
pauperibus carceratis, voluit q̄ eligatur in aliqua Cō

Campum Sanctū, sine spe mercedis alterius, q̃ eius, de qua conuenerint cum dictis deputatis, hoc etiam adiecto, q̃ si dicti Fachini reperti fuerint aliquid habuisse, vel abtulisse à dictis in firmis, vel alijs, pro eis, vel de bonis dictorum mortuorum, sine scitu, & consensu dictorum deputatorum, propter aliquam forsan iustam, & rationabilem causam, amoueantur ab officio cum ignominia, et debita pœna castigentur per donnum Gubernatorē vr̃bis, ad querelā dicti Procuratori, vel Solicitatoris, aut dictorum deputatorum Societatis.

De protectione, et cura Monasterij Conuertitarum de Vrbe. CAP. X.

ET cū inter alia opera charitatis, sit conuolare peccatores pœnitentiam agentes, & conuersos: Cumq̃ pro membro dictæ Societatis, habitum fuerit Monasterium Conuertitarum de Vrbe: Statutum, decretum, & ordinatum fuit, q̃ dictum Monasterium, semper futuris temporibus, habeatur sub protectione, & cura dictæ Societatis: et idem Reuerendissimus Protector, qui pro tempore fuerit dictæ Societatis, etiam esse censeatur, & sit Protector dicti Monasterij, vel, si videbitur, eligatur alius specialis Protector, ex Reuerē. de Societate prædicta, ad curam, & protectionē Monasterij præfati, ut

P A R S

ei succurratur in necessarijs, & etiam pro illius correctione, & reformatione, si opus fuerit, quemadmodum melius deliberabitur in Congregatione.

De Congregationibus faciendis.

CAP. XI.

CVM autem negotia gerenda in aliqua Societate, requirant communicari hominum consilia: Propterea ordinatum fuit, vt semel in mense, fieret Congregatio generalis dicte Societatis, in loco consueto, ac die, & hora, prout intimatum fuerit de ordinatione dictorum deputatorum: Et deputati ipsi semel in hebdomada, debeant se congregare in loco similiter consueto ad consultandum de negotijs necessarijs, & opportunis dicte Societatis, & pro executione decretorum factorum in generali Congregatione, vel alias.

De non alienando res immobiles dicte
Societatis. CAP. XII.

ITem Statutum fuit, ne bona immobilia dicte Societatis alienari possint, nisi ex decreto generalis Congregationis, propter causam aliquam urgentem, & necessariam, prout videbitur dicte Societati generali.

De Syndicis eligendis. CAP. XIII.

Item pro excusatione quoruncunq; Officialium prædictorum dictæ Societatis, Et ne aliqui male suspicari possint de administratione bonorum eiusdem: Statutum fuit, qd tempore, quo fiet electio, seu deputatio bonorū Officialium, fiat etiam electio dominorum Syndicorum de Societate, qui habeant syndicare, et reuiderere computa de gestis, ac introitu, et exitu anni, quo dicti antiquiores Officiales, administrarunt: Et dicti Syndici in sequenti generali Congregatione, referre habeant in folio, in quo Statu reperiuntur administrata prædicta. Et si forsan non expediuerint videre vsq; ad primam Congregationē, nullatenus cessent hoc facere in secunda, ne res diutius remaneat in pendentia, et vt tollatur omnis suspitio prædicta.

De Visitatoribus infirmorū Societatis. CAP. XIII.

Item vltra prædicta, cū Charitas exercenda sit multipliciter, vt supradictū est, plurimum conuenit, vt etiā exerceatur in personas, quæ sunt de dicta Societate: Et propterea ordinatum fuit, vt deputentur duo de Societate, qui curam habeant visitandi infirmos Societatis eiusdē, eosq; verbis ad consolationem animæ, ac factis, etiam cum pecunijs, si opus fuerit, adiuuent.

Explicit prima pars Statutorum Charitatis.

PARS
STATVTORVM,
SEV CONSTITVTIONVM
SOCIETATIS CHARITA-
TIS DE VRBE.

PARS SECVNDA.

De Titulo Societatis.
CAP. I.



VONIAM omnibus in
rebus, vt quæq; recte ge-
rantur, Methodus præscri-
bi debet, et norma quædam,
ad quam res gerendæ impri-
mis dirigantur: ob id! pientif-
sima Urbis Curialium Societas Sanctissimæ Charitatis,
nuper initiata in Vrbe Roma, sub Anno salutis Mille-
simo, Quingentesimo, Decimo nono, Die vero prima
Mensis Ianuarij in vnum congregata, maturaq; delibera-
tione præuia, vno ore, & vno consensu, Statuerunt, &
ordinauerunt, qd hæc Societas perpetuo nuncupetur Socie-
tas Charitatis Curialium, atq; sub illius sacratissimo ve-
xillo, & cultu perseueret.

De Protectore. CAP. II.

CV M verò dicta Societas, opportunū, operæ æp-
 cium existimauerit, si aliquem sibi Protectorem pa-
 ret, cuius ductu, et auspicio, initiata Charitatis opera au-
 geantur, necnon aucta indies, magis magisq̃ floreant: Et
 si tātæ rei felicissimus extiterit Author ac Fūdator, Re-
 nereñ. Dñs Iulius Medices, tt. Sancti Laurentij in Da-
 maso Presbyter Cardinalis, Et Sanctæ Roman. Eccle-
 siæ Vicecancellarius, in exemplum secuta omnipotentis
 Dei, qui ab initio constituit hominem, Et reliquit illum
 in manu consilij sui, delegit sibi (quod felix, faustum, for-
 tunatūq̃ sit) tanti inchoati operis Protectorem, eundem
 R. D. qui tantarum rerū auspiciatissimum dederit exor-
 dium, sit idem firmissimum præsidium, Et incrementū:
 cuius pientissimis, munificētissimisq̃ manibus, Deo Opt.
 Max. fauente, eiusdē Charitatis sacratissima insignia de-
 ferantur, operaq̃ perpetuo vigeant, ac celebrentur.

De eligendis Officialibus. CAP. III.

QVanti sit emolumenti, ac commendationis, res quas
 cūq̃ perpetrandas, certorum hominum fidei, Et
 diligenti curæ cōmittere, Sanctissimæ Charitatis Confra-
 tres, planè intelligentes: Stauerunt, et inuiolabiliter ob-

seruari, vniuersi voto, mandauerunt, vt ad huius societa-
tis regimen, eligantur primi omnium sex deputati. Septi-
mus tamen, in deputatorum numero, idemq; perpetuus, Do-
minus Gerius Valdunbrunus de Aretio, huic curæ præse-
ditus à Reuerendissimo D. Fundatore, neq; vnq; ab offi-
cio huiusmodi amoueri possit, donec per Reuerendiss.
D. Fundatorem, aliud innouatum, et institutum fuerit.
Præterea, sex Consiliarij, Vnus Prouisor, duo Syndici,
vnus Rationarius, seu Computator, Vnus Secretarius,
qui Officiales sexto quoq; mense commutari debeant, ex-
ceptis Computatore, et Secretario, non vt cæteri ad statu-
tum tempus amouendis, sed diutius, eoque magis et minus,
quò Societati visum fuerit in officio pseruentur. Qui
omnes, & singuli, summa observatione, ac vigilantia, de-
mandatas sibi curas, & officia, citra fraudem, Deumq;
ante oculos semper habentes, exercere, & exequi tenean-
tur. Mandatur præterea qd ex præteritis deputatis, vnus
ab officio sequentis semestris, in nouorum deputatorum crea-
tione, non amouatur, atq; alij quinque in numerum Consilia-
riorum succedant, pro sequen. sex mensibus, ultra electos.

De modo eligendi Officiales.

CAP. IIII.

VT suis quæq; locis digesta collocentur, modusq; re-
rum cunctarum Magister, haudquaquam postpona-
tur,

tur: Mandatur, q̄ deputati, diligēter curent, omnes et singulos fratres, per nuncios in vnum conuocari, ac in statutum locum, seu alium magis idoneum congregari, atq; ex omnibus, qui magis apti, minusq; occupati visi fuerint, in nouos procreent officiales: quæ procreatio fiet per uoces publice dandas, aut per lapillos albos, & nigros, ijq; ad officia deputentur, quibus plura adstantium vota, aut maior lapillorum summa contigerit.

De Libris Societatis.

CAP. V.

Quoniam æuo ab usq; conditò, legere est, ne rerum memoria antiquaretur, sed posteritati consuleretur, tam publica, q̄ priuata negotia, in libris actorū, per actuarios referri consueuisse: Mandatur imprimis, q̄ ordinentur tres libri, in quibus t̄a accepta omnia, q̄ expensa Societatis describantur, et notentur. Qui libri cum in signibus Charitatis in tergo exornati, in principio habeant notatos redditus quoscumq; Societatis, & exitus in medio sintq; per omnia similes, neq; in vllò aliquatenus dispantes. Horum vnus seruetur apud deputatos, scriptus manu Promisoris, seu Dispensatoris. Secundus penes Prauisorem, scriptus manu vnius ex deputatis. Tertius vero custodiatur penes Computatorem, ipsius Computatoris

P A R S

manu scriptus. Fiat præterea libellus vnus, in quo notentur eleemosynæ, illorumq; nomina, quibus diebus domini eis distribuantur. Item liber alius, in quo scribantur nomina ac cognomina pauperum erubescantium, petentium recipi, et inquirendorum pro eleemosynis, in qua vrbis Regione habitant, quot degunt sub iisdem tectis, cuius census, cuius ætatis, & an tales sint, quales fortuna urgente, ad eleemosynarū beneficium admitti debeant. Itē liber vnus, in quo scribantur nomina & cognomina, omnium & singulorum Confratrum Charitatis, vbi, quas elargiuntur annuas eleemosynas, ad exercēda Charitatis opera inscribantur: similiter quo mense, et quo tempore. Qui libri, asserventur apud deputatos Societatis. Item liber alius in membranis, suis exornatus charactēribus, et figuris, vbi scribantur Contractus, Instrumenta, obligationes, legata, et quæcumq; ad Societatem pertinentia: quæ omnia, manu Secretarij Societatis notentur, vel alterius cuiuscunq; per Societatem deputandi: serueturq; sub diligenti, & tuta cūctodia penes deputatos dictæ Societatis, neq; alicui (quicunq; is sit) tradi possit, aut concedi, absq; consensu, & mandato deputatorum. Et ne forte per negligentiam, & dolum, aut amitteretur, aut defraudaretur, nouis electis deputatis, per veteres consignari deputatos debeant.

Quod Deputati inter sint distributioni eleemosynarum. CAP. VI.

Cum plurimum afferat decoris, sitque quorūdam ex Confratribus necessaria presentia, in eleemosynarum elargitione, ne res Societatis, tanquam neglectæ pertrahantur: Mandatur quod domini deputati, vel saltem ipsorum unus, cum Promissore, et Factore, interesse debeant in loco solito, quoties pauperibus eleemosynæ elargiuntur, notentque eleemosynas, et eos quibus erogantur.

De eleemosynis. CAP. VII.

Quoniam videndum est, et considerandum, non tantum quod detur, et qualiter, quando, ubi, quare, Verū imprimis cui, ut gratissima sint beneficia, cunctique vacent culpa, Cum turpissimum beneficii genus sit incōsulta donatio: ob eā causam, Sanctissima Charitatis Confratres, Statuerunt, et sancierunt, quod ex fratribus nonnulli deligantur, super pauperes inquirendos, quique vitæ honestioris, et reperi fuerint indigentiores, ad eleemosynas admittantur, et si quis fuerint melioribus ceteris paribus, in pari indigentia alijs præferantur: Item, carentes patre, et matre, ac qui fuerint onerati multa prole, eademque inuili, necnon qui aduersa valetudine gravabuntur, et qui domi filias nobiles continebunt. Præterea, si quis

P A R S

de societate, in calamitatem, atq; indigentiam incideret, cæte-
ris omnibus sit præferendus: qui Inquisitores, de inquisitio-
ne facta, manu sua in libris fidem faciant.

De Facienda Congregatione, CAP. VIII.

VT rerum indies emergentium difficultati consula-
tur, rectiusq; ea quæ Societatis intersunt pertra-
ctentur: Mandantur, q; deputati, una cum Prouiso-
re, diebus Dominicis cuiuscunq; mensis, similiterq; infra
menscm (totiens quotiens opus fuerit) ordinaria conuoca-
tione congregent tantum Consiliarios, et Secretariū, cæte-
rosq; Officiales, ubi consultant de negotijs ipsius Societa-
tis tractandis, & expediendis, & q; sancitum crit,
notetur in libro super hoc decreto per Secretarium. Præ-
terea, quandocunq; necessarium foret, & ob res vigentio-
res contingeret conuocare generalem fratrum congregatio-
nem: tunc, & eo casu deputati, curent congregari facere
omnes homines Societatis, seu quo plures possunt, vt re-
bus omnibus, quæ ex usu Societatis fuerint, opportu-
nius consulatur. Et si congregati fratres, fuerint in votis,
& voce discrepantes, fieri debeat discussio per lapi-
los, vt superius, statuto de ijs confecto, plenius con-
tinetur.

De auctoritate Deputatorum, & Consiliariorum. CAP. IX.

QVoniam nihil ita cauendum est, quā ne Sanctissimæ Charitatis Confratres, crebrò vocati fastidio afficiantur: Mandatur, quod quæcunque per deputatos, & plures ex consiliarijs erunt constituta, et decreta in rem Societatis, rata habeantur, et firma, ac si generatim per omnes decreta fuissent, nisi talia essent, quæ tenderent in alienationem immobilium bonorum dicte Societatis.

De alienandis bonis immobilibus Societatis. CAP. X.

Mandatur præterea, ut omni ex parte Societati consulatur, et ei penitus remedijs satis fiat opportunis, quod deputati, & Consiliarij, non possint nec audeant, bona Societatis immobilia ascendentiā ad summā ducat. centum auri de Camera, alienare, absque una Congregatione super hoc intimata, et specialiter deputanda, in qua præsentibus esse debeant deputati et omnes consiliarij, vel ipsorum maior pars, una cum aliquibus alijs ex fratribus, ac saltem debeat approbari numero in totum Viginquinque: quæ alienatio, si fieret, debeat apponi per Secretarium in libro Congregationum, cum clausulis superius expressis,

P A R S

ac testibus ad hoc specialiter vocatis, et rogatis. Quod si forte obseruare neglexerint, tunc huiusmodi alienatio, nullius sit roboris, vel momenti, & ipsi puniantur arbitrio Syndicorum.

De Infirmis. CAP. XI.

CVM nulla ex virtutibus plurimis admirabilior existat inter mortales, neque gravior Charitate, hominesque ad Deum nulla re propius accedat, quam salutem hominibus dando, atque in infortunijs opportune consulendo: ob eam causam eiusdem Charitatis Confratres, in comune indigentium utilitate longius prospicientes, feruenti corde, puroque cordis affectu, conuenerunt frequentes, atque per urbem, qui grauius aegrotare reperirentur, suorumque auxilio penitus destituti essent, ut ad certa urbis loca, in pauperum languentium usus, alimentum, & subsidium, passim erecta, & dotata, per impotentiam haudquaquam accedere possent, tunc intenta, ac diligenti Societatis cura, eiusque impensis, ad dicta loca, & Hospitalia, ut melius, utque commodius, ad tantum Charitatis exequendum munus, deputatis visum fuerit, deferendos statuerunt, & imprimis mandauerunt.

De Carceratis, & Procuratoribus,
CAP. XII.

QUoniam is verè Christi nomen assumit: qui alienum dolorem, tanq̃ proprium sentit: qui opprimi pauperem, se præsente, non patitur, qui miseris subuenit, qui ad fletum fletibus prouocatur alienis, iuxta illud Pauli. Quis infirmatur, & ego non infirmor: Idcirco Sanctissimæ Charitatis Confratres, matura præmissa consultatione (QUANDO quidē melius accurratur, quæ consilio reguntur, q̃ quæ sine consilio administrantur) ut Charitatis opera absolutius perficiantur, constituerunt, q̃ unus vel plures (ut necessitas exposculabit) deputentur Procuratores, non tam iuris, legumq̃ periti, q̃ bonorum operum studiosi sectatores, et viri timentes Deum, quibus sit curæ carceres visitare, ac eos, qui in carceribus detinebuntur, diligenter inuestigare, quosq̃ ob leuem culpam detentos inuenerint, & talia commississe, quibus facile sit ignoscendum, aut forte citrà culpam per violentiam in carcerem compulsi forent, tunc ad hanc carceratorum curā, ac tutelam dicti Procuratores deputati, talium innocentiam tutentur, ab oppressione subleuent, & donec ex carceribus liberentur, absq̃ tamen alterius iactura, seu præiudicio, non desistant. Præterea, constituti Procuratores, vel alij, per deputatos, & consiliarios constituendi, teneantur

P A R S

omni studio, omniq; opera, cura, et diligentia, res omnes,
 & causas ad Societatem spectantes, bene gerere, & ci-
 trā dolum, ac fraudem procurare, qui durent ad dictorum
 arbitrium, mercedemq; habeant, vt cū eislem cōuenerint,
 & accedere obligentur, quotiens à dictis officialibus in
 Congregationem vocati fuerint, vt rectius instruantur
 de causis, & negotijs gerendis ac litibus ipsius Societatis
 exercendis.

De Humatione defunctorum.

CAP. XIII.

Quantum autem studij, non solum seruandæ, sed
 etiam amplificandæ Religioni adhibendum sit, al-
 tius expendentes Charitatis Confratres, cōmunisq; om-
 nium & terrarum, & gentium parentis, Urbis Ro-
 mæ, flagrantissimo amore incensi: volentes in florentis-
 simæ, tum etiam opulentiissimæ Ciuitati, opportunis auxi-
 lijs occurrere, & subuenire, cum passim per vias urbis
 publicas, non sine multo transcutium horrore, ac stoma-
 cho, morientium cadauera spectarentur, et quod turpissi-
 mum est, venum eadem probrosissime exposita, & ita
 quidem, vt non aliter à vilissimis quibuscunq; cadauerū
 funerariis, ad Sepulchrum exportarentur. Ad tollen-
 dam igitur turpem hanc temporum notam, & ad tātā
 Urbem, quam super his sollicitam esse oportebat, ab insa-
 mia

mia sordidissima vindicandam, mandauerunt, & vnum
 præ cæteris omnibus sanxerunt, vt corpora eorum, qui ab
 hac vita decedunt quoquomodo, & propter inopiam, su-
 nebri pompa humari nõ possunt, per certos homines Cha-
 ritati addictos, vel per Societatem conducendos, efferri
 debeāt, præcedente Sacerdote, cum sacratissimo crucis ve-
 xillo, & incensis funalibus, impensis, et cura Societatis,
 si defuncti, vel suorum, & propinquorum auxilio desti-
 tuti, aut propria deficiente substantia, sepultura ecclesia-
 sticæ tradi non possent: Necnõ, etsi vb. eũq; sepeliamur,
 sacris ad hos usus dicatis, vt melius in sacro sanctæ Reli-
 gionis Christianæ decus, & firmamentum, sanctissimæ
 Charitatis Confratres, vel potius deputati, faciundum cu-
 rauerunt exequendum q̃ censuerint,

De Provisore, siue Camerario.

CAP. XIII.

QVoniam duorum temporum maximam esse haben-
 dam curam, maiores nostri opinati sunt, & mane,
 & vesperi, id est eorum, quæ acturi sumus, & eorũ,
 quæ pessimus, semperq; prospectum in futura inenden-
 tes, deliberabant diu, quicquid statuendum erat s. mel. His
 igitur de causis altius repetitis, sanctissimæ Charitatis So-
 cietas, statuit, & ordinavit, vt res Societatis, sub tutiori

custodia contineantur; et ne forte alicui malæ mentis, de-
 prauati ingenij homini credita, in deterius labirintum, q-
 fuurus Promisor, et rerum Societatis Receptor, atq; Ad-
 minisrator, primum omnium, huic officio praeficiatur.
 bonæ vir conscientia, & nominis, qui nulla necessitate,
 ad fallendum cogatur, sed constantissimæ fidei id agat, ut
QUALIS videri velit, talis et sit. Qui omnia,
 & singula bona pertinentia ad Societatem, & ad neces-
 sarios eiusdem vsus comparata, accipiat sibi consignanda
 per deputatos et Promisorem præteritos, conscripto super
 ijs inuentario per Secretarium, et talia, penes se, vel ubi
 melius visum fuerit, durante eius officio, diligenter custo-
 diat, donec de dictis bonis, aliud fuerit ordinatum, et sta-
 tutum per deputatos, & Societatis officiales. Teneatur
 similiter elemosynas omnes Societati datas, eodē die, vel
 ad summum sequenti significare, & palam facere depu-
 tatis, & curet notari in libris solitis, sub pœna dupli acce-
 ptorum. Vltcrius, scribere debeat, & annotare in libro
 deputatorum, omnes, & singulas pecuniarum summas,
 ex quacūq; persona oblatas, amore, ac intuitu Charitatis,
 necnon ex capsula extractas, simul etiam expositas, &
 expensas, addendo dies, & menses, vñ cum anno salu-
 tis Christianæ, tã ipsius introitus, q̃ redditus. Præterea,
 non audeat, neq; vlllo modo præsumat alienare, vel expen-
 dere summam pecuniarū, quæ excedat Carlenos quinq;

tametsi essent in rem Societatis, & bsp mandato signato Charitatis sigillo, & subscripto per tres, vel saltem duos ex deputatis, excepto si fieret solutio in loco solito, & die statuto, præsentibus deputatis. Quod si contrauerit, in pœnam dupli se incidisse noverit. Postremo, & ultimo, non possit, neq; debeat, penes se tenere rerum quaruncunq; valorem, & pecunias, quæ excedant summam due. centum, supra quam officiales, & si opportunû fuerit, conuocati aliqui ex fratribus, providere debeant, & curare, vt melius, & in rem Societatis exequendum cautius videbitur.

De Secretario. CAP. XV.

Sapientium sententia est, cogitanda esse omnia, & remedia aduersus ea, quæ possunt euenire, præparanda (SVMMA enim miseria est nescire quò tendas, et insipientis dicere, non putarâ) Quapropter, scientissima Charitatis Societas, statuens oppugnâcia prepulserè, posteritati cõsulendo, vt à tempore, quò dicta Societas initium sumpsit, neq; rerum memoriam gestarim, nec factorum quoruncunq; scriam, neq; instituti. nû, & obseruationum, cæterorûq; ad Societatem spectantium cognitionem vllam desyderarent, atq; de temporû iniuria, vel de hominum negligentia cõquererentur: statuit, et inuio-

mento, super quo fuerit rogatus, teneatur absq; pramio, in publicam redigere formā, & deputatis exhibere. Teneatur similiter, concessionēs omnes, & indulgentias, à summis Pontificibus Societati concessas, aut ipsas bullas, particulariter legere, aut summarie, in ipsis contenta, hominibus Societatis indicare, quò breuius poterit: pariterq; institutiones, & obseruationes super id confectas, & conficiendas, decretas, & decernendas, publica voce recitare, ne aliquis de Societate possit vnq; dicere, de ijs omnibus non habuisse notitiam, & in excusationem non notæ legis se iniiciat: intelligantq; omnes, quantum lucretur mandatorum Societatis obseruator: quantumq; culpentur, & amittant eorundem inobseruatores, & rerum Societatis violenti detentores, qui in proprium vsum, & non in publicum, illa detinent, et vt bene merenti, addatur bene ferre gratiam, & laboribus parem consequi remunerationem, habeat laborum suorum id stipendij annui, quod vnà cum Officialibus conuentione facta paciscetur.

De Computatore, seu Computista.

C A P . X V I .

C V M nihil sit, quod tam deceat, qm̃ in omni re gerenda maturum consilium intentamq; ac diligentem curam adhibere, vt eorum, quos fidos putamus, insidias,

(si quæ latent) cauere possimus (ILLVD enim quod
 cœlatur malum, & nocendi fraus, quæ non speratur, po-
 tentior esse solet) statutum est, & ordinatum, q̃ ex So-
 cietate, vnus deputetur Computator, nō (vt cæteri Offi-
 ciales) statuto tēpore, ab officio amouendus. Hic penes
 se diligenter seruabit tertium librum, in quo manu pro-
 pria scribat, & notet, tam accepta, q̃ expensa Societatis,
 sit, p̃ per omnia similis, neq; vlla in re aliquatenus discre-
 pet, a libris deputatorum, & Promisoris. Præterea, ex
 vna parte, omnia legata, seu alia, ex vltima voluntate ac-
 cepta, scribat, et eorum faciat Societatem creditricem. Ex
 altera verò parte, rerum habitarū, et receptarum debitri-
 cem. In vna itidem parte dic̃ti libri, scribat res immobiles
 Societatis, & annotet pensiones earum, & sic creditri-
 cem faciat, receptis autem, debitricem. In fine verò Offi-
 cij deputatorum, & Promisoris, teneatur librum hunc,
 in manus Syndicorum tradere, vt rerum quaruncunq;
 gestarum veritatem melius percipere, & iudica-
 re possint.

De Syndicis. CAP. XVII.

Quoniam raro læditur homo ab extraneis, si sui eū
 non lædant (MAGIS enim in fidijs nostrorum,
 q̃ aliorum, periclitamur) Idcirco sanctissima hæc Socie-

res ad ea quæ euenire possunt, propulsanda: ante omnia
statuit, vt quoties noui creantur Officiales e fra.rum nu-
mero, duo eligantur Syndici, qui curare debeant intra deci-
mum diem habere libros præteritorum deputatorum, et
Prouisoris, illosq; diligenter inspicere, & examinare, et
an sint conformes, tam in exitu, qm in introitu. Quibus
inspectis, vt Societas ne minimum quidem defraudetur,
liberam habeant potestatem (vt ius exposulabit) et con-
demnandi, & absoluendi, tam deputatos, qm Prouisore,
similiter inspiciant librum Computatoris, in quo erunt no-
tata credita, & debita Societatis, tam ex causa testamen-
torum Societatis, qm alio quouis modo habita. Et itidem, om-
nia immobilia Societatis, veluti domos, possessiones, cæte-
ra p bona, & sic scire, ex ipsis redditus & prouentus.
Præterea examinant librum vnum, in quo
notati erunt omnes stipendiati per Societatem, & quid
ipsis pro stipendio datum sit, & ad quæ teneantur, &
pœnam contrasacientium (vt statuto cauetur) id quod, si
deputati, & Prouisor, non fuerint executi in contrasafa-
cientes, eorundem retinendo Salarium, eadem mulcentur
pœna, qua ipsi tenebantur contrasacientes. Vltimo, ipsi
Syndici, perquirant & inuestigent, si deputati, et Pro-
uisor, rem aliquam contra statutum alienauerint, et tunc
videant statuta Societatis, et si in aliquo contrasacerint, qm
sibi sit data potestas, eosdem compellere possint; &

P A R S

condemnare, omni meliori modo, iure, via, & forma,
quibus melius fieri posse videbitur.

De potestate Syndicorum. CAP. XVIII.

VT operibus Charitatis, satis omnino fiat: & , quò
commodius possunt, cuncta pertractentur, quoniã
superiori statuto, de Syndicorum officio, plenius continetur:
visum est (ne vniuersa confundatur) in præsentis subiungere
de Syndicorum potestate, ad liberam demandati sibi officij
executionem, ut liberior occurrant multorum petulantia, qui
suum defendere errorem pertinacissime malunt, q̃ se se citrà
pertinaciam (ut æquum postulat) patienter corrigere (intere-
st enim in quantum, et in quibus rebus erretur) ob eam
causam statutum est, et decretum, q̃ Syndici, sola inspec-
ta veritate quaruncũq; rerum, perperam administratarum,
possint, et plenum ius habeant, absq; vlla cognitione, vel
strepitu forensi, & figura iudicij, super his cognoscere,
procedere, sententiam ferre, terminare, decidere, summarie,
simpliciter, & de plano, omni die feriato, & non feriato,
citato, & non citato, scripto, & non scripto, sicuti melius
procedendum rati fuerint, infra vnum mensem, seu ad
summum ad duos menses, à die primæ citationis faciendæ
per quemcunq; de So-
cietate,

dictate. His actis, conuocari faciant omnes socios, seu maiorem illorum partem, quibus presentibus, dato, ac praefecto Syndicis sacramento per Secretarium, manu tactis sacrosanctis scripturis, ne alicuius subrahentes personam, aut cuiusque veriti magnitudinem, neque consanguinitate, aut amicitia, amore, fauore, precio, aut e conuerso, hostili odio, vel inimicijs, in iudicando ducantur, peruercentes, iudicium Christi, qui est iustitia, sed solum Deum ante oculos habentes, Et facti veritatem, sententiam proferant absolutoriam, aut condemnatoriam, scribendam, et subscribendam per Secretarium in libro Congregationum, una cum testibus. Aqua sententia, non possint, neque ullo pacto valeant appellare, neque prouocare, apud quamcumque curiam, seu iudicem, nisi apud deputatos, Et eos, quos dicti domini deputati ad talia elegerint, sed lata sententia habeatur rata, Et firma, Et executioni mandanda: Sub hac debeant ipsi Syndici, manu propria, in libro deputatorum, latam sententiam scribere, et notare.

De Iuramento praestando Officialibus.

CAP. XIX.

Quamuis, sine Deo, vir bonus nemo sit, quia talis, non est veritatis amor, ut quicquid aliquis dixerit iuratum putet: tamen quia timor omnipotentis Dei, solet

P A R S

humanis mentibus terrorem incutere, et neq̃ est contra Dei præceptum iurare: Statutum est, & decretum, ad res Societatis rectius & prudentius administrandas, q̃ omnes & singuli electi Officiales, in principio Officij, in Congregatione, in manus Secretarij, debeant iurare ad sancta dei Evangelia, tactis Sacrosanctis scripturis præsentibus præteritis deputatis, se bene, pie, recte, omni cordis sinceritate, & puræ mentis integritate, intuitu solius omnipotentis Dei, et sanctissimæ Charitatis, suum exercere Officium, omnium Societatis utilitatem, & honorem curare, & non aliquo amore, precio, timore, odio, & fraude, contra ipsam Societatem cōtrauenire, & circa Officialium creationem, se puros atq̃ irreprehensibiles exhibere, eaq̃ agere, quæ in statutis, observatione summa, agenda imprimis mandantur.

De Solicitatoribus. CAP. XX.

Quoniam in cassum munita sunt cætera, cū locus vnus, de quo hosti patet aditus, non est munitus: nihil, p̃ potest esse iure laudabile, nisi quod suis constat numeris. Ideo, vt res, quæ sunt ad ipsam Societatem necessaria, rectius perficiantur: Decreto omnium sancitum est, q̃ vnus seu plures deputentur Nuncij, siue Solicitatores, quibus Societatis impensis sit satisfaciendum: qui client,

nuncient, & exequantur, secundū ea, quæ sibi commissæ fuerint per deputatos, tanq̃ per eos, qui cognitionem rerū Societatis habent, et non alios, et omnibus intersint rebus necessarijs Societatis, totiesq̃ quoties futuræ sunt Congregationes, si ipsorum defectu, et negligentia, necessarijs ipsius Societatis negotijs defuerint, vel negligentes fuerint, in executione sit potestas in Officialibus, ipsos ab Officio submouere, aliosq̃ eorum loco sufficere.

De futuris Officialibus.

CAP. XXI.

QVoniam indecorum est, & impium, per pollutos homines manusq̃ immundas habētes, Sanctissimæ Charitatis opera exerceri, & in cassum, aduersus exteriores hostes in campo bellum geritur: si intra Ciuitatis mœnia insidians Cinis habetur: Statutum est, & decretum, ne aliquis ad vllum Societatis officium eligatur, qui publico adulterio sit inuolutus, aut alia re mala, sit notus, veluti Blasphemator, Fœnerator, bonorum suorum lusor, aut qui Alternatiuā quinquennij, aut bonorū cessionem sumpserit. Et si quis huiusmodi electus fuerit ad aliud quod Officium, & post electionem venerit in notitiā, possit, & debeat, ab Officio & Societate remoueri, aliusq̃, eius loco sufficiatur.

A P A R S

De Visitatoribus Infirmorum Societatis.

CAP. XXII.

Quoniam non tantum docet nos lectio euangelica, Christum vestire in pauperibus: pascere in esurientibus: suscipere in eis, qui tecto indigent: sed & visitare in languentibus, & maxime in domesticis fidei: Statutum est, & decretum, quod ex numero fratrum deputentur duo, qui magis idonei visi fuerint, qui in firmos de Societate visitent, & adeant, atque ab ipsis intelligant, si qua indigent subuentione, eisque opportune subueniatur, non solum in his, quæ sunt ad corporis valetudinem necessaria, sed & animæ, ut est Confessio, & Communio. Et si contigerit, quod aliquis moreretur, curent eius Sepulturam, ubi talis defunctus viuens se adiudicauerit: & infirmi teneantur denunciare deputatis pro tempore, siue Secretario, eorum infirmitatem, ut visitari possint.

De Capsula Eleemosynarum, & clauibus.

CAP. XXIII.

Quoniam plurimi sunt, qui dantes eleemosynam, non omnibus palam esse eam volunt, quemadmodum publicanus, sed clam esse, quanto maxime possunt, studio contendunt iuxta illud præceptum. Nesciat sinistra

tua, quod facit dextera tua: Statutum est, & decretum, q̃ Societas habeat Capsulam vnā, quæ sit fixa in pariete in æde sacra Sancti Andreæ, vel alio in loco, ubi per di-
 Etam Societatem constitutum fuerit. Hæc Capsula tri-
 bus clauibus, ad tutiorem custodiam, contineatur: quarum
 vnā præseruetur penes vnum ex deputatis. Alia verò,
 penes Promisorem: & tertia, penes vnum ex Consilia-
 rijs. In qua Capsula, reponantur omnes elemosynarum
 oblationes, & quæ aperiri possit, toties, quoties ad extra-
 bendas oblatis elemosynas, cōsentientibus Officialibus
 ex vsu fuerit.

Quod nemini ex Confratribus li-
 ceat pro alio intercedere.

CAP. XXIII.

Quando quidem arbitrari debemus, magis esse con-
 tra naturam, hominem homini detrabere, q̃ omnia
 incommoda subire, vel externa, vel corporis, atq; nulla
 de re, magis Deum offendisse ille populus Iudaicus dici-
 tur, q̃ contra Deum murmurando. Idcirco, ad evitanda
 scandala, & sedanda iurgia, quæ susurrone subtrac-
 to, imprimis conquiescunt: Sanctissimæ Charitatis Societas,
 in vnum congregata (matura tamen præmissa delibera-
 tione) statuit, & ordinavit, q̃ nullus ex Confratribus,

P A R S

possit, & valeat intercedere, aut supplicare apud dominos deputatos Societatis pro aliquo (quicumq; is sit) ut ad eleemosynarum beneficium admittatur. Liceat tamen, et ius tantummodo habeant, simpliciter deputatis denunciare, atq; absq; alia petitione, aut aliqua admissionis instantia in foro conscientiae iudicare, idq; in euentum, in quem alicuius probi viri, seu honestae mulieris, vel ex certa causa scientiae, vel ex publica aliorum fama, necessitatem intellexerint.

Finit secunda pars Statutorum, siue Constitutionum Sanctissimae Societatis Charitatis.

STATVTORVM, SEV CONSTITVTIONVM

SOCIETATIS CHARITA-
TIS DE VRBE.

PARS TERTIA.

*Statutum, super maiori dilucidatione mutationis,
suppletionis, ac additionis nonnullorum
Capitulorum, hoc in Opusculo contentorum.*



VVM nihil antiquius, aut probabilius ordine, omnibus in rebus inueniatur, præsertim in illis, quæ publicæ appellantur: non ab re Magistratus, qui etsi præsumunt, ut rectitudinis æquitatis, siue quæ ad publica, siue quæ ad priuata negotia pertinet, inter eorum populos obseruetur: tum veteres sanctiones reformare (prout ad malos hominum mores corrigendos pertinere videtur) tum nouas, si opus fuerit, introducere a solent, ut suo quæque ordine gerantur. Quorum exemplum nobis, qui Confraternitatem hanc nostram Charitate coniunctam, ab eâque denominata, non in iactanti-

P A R S

ter exercemus, & quam valuti Remp. summa in pace,
& concordia, Deo optimo duce, conservare & governa-
re cupimus, tanq̃ omnium optimū visum est sequi: Sta-
tuimus igitur, nonnullorum (ṽt aium) capitulorum praece-
pta quaedam, ad venerabilem hanc Societatem regendam
constituta, in quibusdam locis, vbi non satis digesta vide-
bātur, mutare, eisq; supplere, ac de nouo addere, ṽt recto
ordine, qui potissimum decet Charitatem, atq; honorem
Dei, deinde tot viros probos, quibus hāc sancta Societas
indies augetur omnia regantur, necnon a que omnibus mi-
nistrata exeant.

C A P. I.

PRIMO igitur Capiti adnectendum videtur
fundamentū, super quod, hāc Sancta Societas, tanq̃
columna super basim posita est, scilicet carceratorum vi-
sitatio, ac prouisiones: mortuorum des titutorum Sepultu-
ra: in egentes infirmos, ac bonētos pauperes, sed mendi-
care erubescētes misericordia, ob quas potissimum causas,
hāc amplectēda pietas initiata est. Quod latius in Bul-
la in stōnis huius, a Leone X. P. M. probata, videre est.

C A P. II.

VT sub vmbra alarum S. R. E. videatur coniun-
cta hāc Charitas enutrirī: Volimus q̃ aliquis ex
Reuerendissimorum

Reuerendissimorum Cardinalium Collegio, eligatur Protector, Quod alias habetur ratum in generali Congregatione, Die XXI. Decemb. M. D. XXX. habitata: in qua, vt Reuerendissimus Traneñ. ad hoc rogaretur, à fratribus conuentum fuit.

CAP. III.

QVod ex Generali decreto sub die XXVIII. Decemb. M. D. XXXIX. proscripto: quotannis noni eligantur Officiales, quod securitatem quandam Societatis, rebus, munerisq; huius participationem, omnibus videtur præstare.

CAP. V.

QVod duo libri tantum: vt modo, etiam teneantur; vnum videlicet Camerarius habeat. Alterum, qui præest computo. Et hoc, quia non ab re Confratribus visum est, ideo debet obseruari.

CAP. VII.

QVod ad deputatos specialiter pertineat, eos inquirere, quibus dandæ sint eleemosynæ, quotiescunq;

P A R S

oportebit dare, aut iterum dare, recipientibusq; elemosinas, præbere Chartulas, vel Apocas subscriptas, ad tertium vsq; mensem duraturas.

CAP. VIII.

QUod singulis Dominicis diebus, deputati, Camerarius, qui est à secretis, & Computista, in locum ad hoc electum, conueniant: ibiq; quæ administranda sunt, conferant, vt deinde, sicut fuerit visum, dissonantur.

CAP. X.

Istud Capitulum videtur affa. im. delendum. Non enim conuenit æqualitati, tantominus Charitati immobilia bona alienari, nisi ex congregatione illorum omnium adsit consensus, quorum suffragijs huiusmodi rebus dilata est Societas.

CAP. XIII.

Perquam optimū videtur, Camerarium in ingressu Officij, de futura administratione fideli, idoneam præstare cautionē, FACILITAS enim delinquendi allicit hominem ad delictū, quod non euēniat, si f. t. c. s. sionis vinculo sese nobis obstrinxerit.

Quoniam Daemon undiq; incurſitat, & circumit, quærens, tanq; Leo, diſpergere armenta, ſub baculo Chriſti Paſtoris vnâ cohabitâ. u. : portet nobis cauere, Imprimis; fucatos hypocritas ab hac ſyncera vnione præcul arcere, conſilium Domini remiſcetes, quo ait. At teneſte à falſis prophetis, qui veniunt ad vos in veſtibus ouiu n: intrinſecus autem ſunt lupi rapaces. Modum vero cognoscendi huiusmodi genus hominum aperit, ubi ſtatim ſequitur, dicens. A fructibus eorum cognoscetis eos. Diligenter ideo de omnibus inquirendum, qui ſub hac pietatis condicione eſſe volent. Et priuſq; recipiantur, habenda eorum nomina à deputatis. Deinde ſuper vita, fama, ac moribus eorum, diligens inquiſitio faciendâ eſt. Quorum relatio, ſi eiſdem deputatis honeſta videbitur: examinato eorum ingreſſu, per fabas albas, & nigras, recipiuntur. EX hoc enim fit: vt vnusquiſq; eorum, qui in huiusmodi ſeruinio erunt, quid de intrare volentibus ſibi videatur tacitè, ne odio habeantur, ſignificare poſſint.

Verum quia penes nos, cum hæc capitula cenſicerentur, non erat Monialium Cœnueſarum conſidera-

tio, ideo nec quicquid de eis fuerat prolatum: Nunc autem
 quod apud nos, multis iam transactis annis, earum guber-
 natio exercetur: placuit enim Leoni decimo felicis recor-
 dationis P. M. provinciam hanc, quorundam optimorum
 hominum, ferventi charitate (favente numine coelesti) in-
 choatam, manibus Societatis nostrae regendam, committe-
 re: Opera precium videi: nonnulla in ea animadvertere,
 atque ordinare, ut in istarum rerum nostrarum, quaeque vel
 recta, vel tutiori via gerantur: refugiumque hoc peccatrici
 illarum, tanquam Asylum, virtute nostra, Deo cooperante,
 sacrum, intemeratumque permaneat. Ceterum, si cura haec
 ad nostram pertinet Societatem: conveniens etiam est,
 ut ex ea, ad regendum Monasterium deputati, alioquin
 viri morigerati, desiderijsque humanarum rerum alieni, tem-
 poribus constitutis deligantur. Quibus non suo tantum
 arbitrio concedimus huiusmodi Cenuersas, ad Monaste-
 rium admittere, sed et deputatorum Charitatis consen-
 sum, et Reverendissimi Protectoris auctoritatem adesse
 praecipimus: omnesque insuper admonemus, ut exactam
 circa illas diligentiam, vel maxime earum conditionem,
 antequam intrent Monasterium, adhibeant. Quoniam, neque
 in firmis, aut senio confectis, ingressum concedimus, quin
 eas deserat peccandi ars, non ea artem, neque deformibus
 pariter, siue coniugatis (has enim a maritis separare im-
 pium esset) illas vero, non compunctione cordis, sed deser-

mitatis causa, claustra ingredi velle, arbitrandum est.
 Quæ omnia, in Cōgregatione, sub die vltimo Nouemb.
 M. D. XXXVI. decreta, perpetuoq̃ valitura,
 si diligēti modo, vti bonos decet Pastores, executioni man-
 data fuerint, neq; morbida pecus, reliquas vnq̃ corruppet
 oues, neq; (quod paruipendendum non est) vlla alicuius fa-
 uore, siue precibus, sine debita diligentia, ad perdendas
 cæteras accedet.

Explicunt Statuta, siue Constitutiones Societa-
 tis Charitatis Almæ vr̃bis Romæ, addi-
 to insuper fideli Indice, seu Re-
 pertorio, summa cura Rol.

Ostren castigat. et
 accuratissime
 excuss.

Romæ apud Antonium Bladum Asulanum,
 Pridie Noñ. Ianuarij M. D. XLVII.

INDEX, SIVE

INCIPIT INDEX, SIVE TABVLA

*primæ, secundæ, ac tertiæ partis Statutorum,
seu Constitutionum Societatis Charita-
tatis Almæ Urbis Romæ,*

INDEX PRIMÆ PARTIS.

P roœmium Statutorum Societatis Charitatis.	fol. 2
De personis admittendis in Societatem Charitatis.	Cap. I. fol. 1
De Protectore dictæ Societatis habendo.	Cap. II. fol. eodem.
De Officialibus, deputatis nuncupatis.	Cap. III. fol. eod.
De Officio dictorum deputatorum.	Cap. IIII. fol. 4.
De Secretario, & eius Officio.	Cap. V. fol. eodem
De Camerario, seu Camerlêgo dictæ Societatis.	Cap. VI. fol. eod.
De Solicitatore ad visitandum Carceres.	Cap. VII. fol. 5.
De deputato ad interessendum in visitatione Carce- ratorum.	Cap. VIII. fol. eod.
De Baiulis sue Fachinis dictæ Societatis.	Cap. IX. fol. eodem
De Protectore, & cura Monasterii Conuertitarum de Urbe.	Cap. X. fol. 6.
De Congregationibus faciendis.	Cap. XI. fol. eodem.
De nō alienando res immobiles dictæ Societatis.	Cap. XII. fo. eod.
De Syndicis eligendis.	Cap. XIII. fol. 7.
De Visitatoribus Infirmorum Societatis.	Cap. XIIIII. fol. eod.

INDEX SECVNDÆ PARTIS.

D E Titulo Societatis.	ibidem.	Cap. I. fol. 7.
De Protectore.		Cap. II. fol. 8.
De Eligendis Officialibus.		Cap. III. fol. eodem.
De modo eligendi Official'es.		Cap. IIII. fol. eodē.
De Libris Societatis.		Cap. V. fol. 9.
Quod deputati intersint distributioni eleemosyna- rum.		Cap. VI. fo. 10.
De Eleemosynis		Cap. VII. fol. eodē.
De Facienda Congregatione.		Cap. VIII. fol. eod.

REPERTORIUM. 24

De Auctoritate deputatorū, & Consiliariorū.	Cap. IX. fol. 11.
De alienandis bonis immobilibus Societatis.	Cap. X. fol. eodem.
De Infirmis.	Cap. XI. fol. eodē.
De Carceratis, et Procuratoribus.	Cap. XII. fol. 12.
De Humatione Defunctorum.	Cap. XIII. fol. eod.
De Prouisore, siue Camerario.	Cap. XIII. fol. 13.
De Secretario.	Cap. XV. fol. 14.
De Computatore, seu Computista.	Cap. XVI. fol. 15.
De Syndicis.	Cap. XVII. fo. eod.
De potestate Syndicorum.	Cap. XVIII. fo. 16.
De Iuramento præstando Officialibus.	Cap. XIX. fol. 17.
De Solicitatoribus.	Cap. XX. fo. eod.
De futuris Officialibus.	Cap. XXI. fol. 18.
De Visitatoribus Infirmorum.	Cap. XXII. fo. eod.
De Capsula Eleemosynarū, & Clauibus.	Cap. XXIII. fo. eod.
Quod nemini ex Confratribus liceat pro alio intercedere.	Ca. XXIII. fo. 19.

INDEX TERTIÆ PARTIS.

Statutum, super maiori dilucidatione mutationis, suppletionis, ac additionis nonnullorum Capitulorum, hoc in Opusculo contentorum.

Cap. I.	fol. 20.
Cap. II.	fol. eod.
Cap. III.	fol. eod.
Cap. V.	fol. 21.
Cap. VII.	fo. eod.
Cap. VIII.	fol. eod.
Cap. X.	fol. eod.
Cap. XIII.	fol. eod.
Cap. XXV.	fo. 22.
Cap. XXVI.	fol. eod.

Finit Index, seu Repertorium Statutorum, siue Constitutionum Societatis Ch. ritatis de Vrbe.

Cap. I.	De rebus in rebus
Cap. II.	De rebus in rebus
Cap. III.	De rebus in rebus
Cap. IV.	De rebus in rebus
Cap. V.	De rebus in rebus
Cap. VI.	De rebus in rebus
Cap. VII.	De rebus in rebus
Cap. VIII.	De rebus in rebus
Cap. IX.	De rebus in rebus
Cap. X.	De rebus in rebus
Cap. XI.	De rebus in rebus
Cap. XII.	De rebus in rebus
Cap. XIII.	De rebus in rebus
Cap. XIV.	De rebus in rebus
Cap. XV.	De rebus in rebus
Cap. XVI.	De rebus in rebus
Cap. XVII.	De rebus in rebus
Cap. XVIII.	De rebus in rebus
Cap. XIX.	De rebus in rebus
Cap. XX.	De rebus in rebus
Cap. XXI.	De rebus in rebus
Cap. XXII.	De rebus in rebus
Cap. XXIII.	De rebus in rebus
Cap. XXIV.	De rebus in rebus
Cap. XXV.	De rebus in rebus
Cap. XXVI.	De rebus in rebus
Cap. XXVII.	De rebus in rebus
Cap. XXVIII.	De rebus in rebus
Cap. XXIX.	De rebus in rebus
Cap. XXX.	De rebus in rebus

INDEX TERTIAE PARTIS.

Cap. I.	De rebus in rebus
Cap. II.	De rebus in rebus
Cap. III.	De rebus in rebus
Cap. IV.	De rebus in rebus
Cap. V.	De rebus in rebus
Cap. VI.	De rebus in rebus
Cap. VII.	De rebus in rebus
Cap. VIII.	De rebus in rebus
Cap. IX.	De rebus in rebus
Cap. X.	De rebus in rebus
Cap. XI.	De rebus in rebus
Cap. XII.	De rebus in rebus
Cap. XIII.	De rebus in rebus
Cap. XIV.	De rebus in rebus
Cap. XV.	De rebus in rebus
Cap. XVI.	De rebus in rebus
Cap. XVII.	De rebus in rebus
Cap. XVIII.	De rebus in rebus
Cap. XIX.	De rebus in rebus
Cap. XX.	De rebus in rebus
Cap. XXI.	De rebus in rebus
Cap. XXII.	De rebus in rebus
Cap. XXIII.	De rebus in rebus
Cap. XXIV.	De rebus in rebus
Cap. XXV.	De rebus in rebus
Cap. XXVI.	De rebus in rebus
Cap. XXVII.	De rebus in rebus
Cap. XXVIII.	De rebus in rebus
Cap. XXIX.	De rebus in rebus
Cap. XXX.	De rebus in rebus



